

## §. XVII.

De versionibus orientalibus quædam dicenda superfunt. Chaldæi Codices impressi non consentiunt. In Bibliis Antverpiensibus, Parisiensibus, & Anglicanis nostri versus Chaldaice leguntur, prout in Hebræo habentur. Eosdem observavit doctissimus Masius in MS. Complutensi Chaldæo, quem in sua Bibliotheca asservavit, vid. Comment. ad h. l. MS. Saxonum, uti supra §. XII. visum, nostros versus chaldaice refert. In Bibliis vero Bombergens. tum iis, quæ cura Felicis Pratensis, quam quæ R. Jacobi Chajim opera prodierunt, nostri versus respuuntur penitus, uti nec a Buxtorfianis in textum recipiuntur. Ex quo abunde constat, MSS. Codices variare, versusque nostros in illis non legi, qui a Judæis ad Masorethicos Codices sunt reformati, in aliis vero eosdem exhiberi, qui secundum Codices Hebræos integros sunt exarati. In versionibus Syrorum omnibus nostri comparent versus, sed tamen transpositi, ita ut urbibus Zabulonitarum, quæ in hebræo præcedunt, nostræ Rubenitarum urbes præponantur hoc modo :

גַּת : וְאֶבְרָהָם מִצְרָיִם אֶת  
 סְמִינָה לְבָנָה סְמִינָה לְבָנָה סְמִינָה  
 : כְּסִינָה אֶת לְבָנָה סְמִינָה לְבָנָה  
 : حَلْبَانَة مَدْبُرَة حَلْبَانَة

*Fuerunt civitates, ex tribu Rubil Jahas cum villis ejus, Kermoth cum villis ejus, Cariathim cum villis ejus, Asemoth cum villis ejus: Civitates quatuor cum villis earum. Et ex tribu Zabulon &c.*

Hæc sunt ex editione Anglicana, quæ cum Pariensibus concordant. Herbertus Thorndicius, qui Pocokii & Usserii Codices MSS. contulit p. m. 16. annotat, *Ex quatuor urbibus Rubenitarum, in duabus dissentire Codices Syriacos ab Hebraicis: Sicut etiam preponunt urbes Rubenitarum urbibus Zabulonitarum. Ut adeo appareat, Syriacos Codices omnes*

E

con-